



Broj: 16-12-16-3163- *11* /21
I. Sarajevo, *05.07.*2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 23.06.2021. godine, na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-3163/21 od 23.06.2021. godine, u otvorenom postupku javne nabavke potrošnog materijala za računarsku opremu i popravku komunikacijske opreme za potrebe Državne agencije za istrage i zaštitu, direktor Državne agencije za istrage i zaštitu,

d o n o s i

ODLUKU

o izboru najpovoljnijeg ponuđača u otvorenom postupku za javnu nabavku potrošnog materijala za računarsku opremu i popravku komunikacijske opreme za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka javne nabavke potrošnog materijala za računarsku opremu i popravku komunikacijske opreme za potrebe Državne agencije za istrage i zaštitu u 2021. godini broj 16-12-16-3163/21 od 23.06.2021. godine i ugovor u postupku javne nabavke potrošnog materijala za računarsku opremu i popravku komunikacijske opreme za potrebe Državne agencije za istrage i zaštitu, dodjeljuje se za:

- LOT-1 Potrošni materijal za računarsku opremu, ponuđaču „PRINTEX“ d.o.o. Sarajevo, ponuda broj 16-12-16-3163-6/21 od 12.05.2021. godine, za ponudenu cijenu od 25.950,00 KM bez uračunatog PDV-a;

- LOT-2 Materijal za popravku komunikacijske opreme, ponuđaču „MIBO Komunikacije“ d.o.o. Sarajevo, ponuda broj 16-12-16-3163-5/21 od 12.05.2021. godine, za ponudenu cijenu od 41.930,00 KM bez uračunatog PDV-a.

Član 2.

(1) Ponuđači „PRINTEX“ d.o.o. Sarajevo i „MIBO Komunikacije“ d.o.o. Sarajevo obavezni su ugovornom organu dostaviti dokaze o ispunjavanju uslova iz tačke 11.1. i 12.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema Odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-3163-1/21 od 15.04.2021. godine, pokrenut je postupak javne nabavke potrošnog materijala za računarsku opremu i popravku komunikacijske opreme za potrebe Agencije, procijenjene vrijednosti 81.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine, koju je donio Savjet ministara Bosne i Hercegovine na 30. sjednici, koja je održana 17.03.2021. godine i Dokumenta okvirnog budžeta 2021.-2023. godina.

Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Predmet javne nabavke podjeljen je na lotove:

- LOT-1 Potrošni materijal za računarsku opremu, procijenjene vrijednosti 39.000,00 KM bez uračunatog PDV-a;
- LOT-2 Materijal za popravku komunikacijske opreme, procijenjene vrijednosti 42.000,00 KM bez uračunatog PDV-a.

Obzirom da je tačkom 23. Tenderske dokumentacije navedeno da je rok za dostavljanje ponuda 12.05.2021. godine do 12:00 sati, te da se ponude dostavljaju u zatvorenoj koverti, Komisija je dana 12.05.2021. godine u 13:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle četiri ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene četiri ponude i to:

R.br.	Broj protokola	Naziv ponuđača	Datum i sat prijema ponuda
1.	16-12-16-3163-4/21	„DBS” d.o.o. Banja Luka	12.05.2021. g. u 09:25 h
2.	16-12-16-3163-5/21	„MIBO Komunikacije” d.o.o. Sarajevo	12.05.2021. g. u 10:00 h
3.	16-12-16-3163-6/21	„PRINTEX” d.o.o. Sarajevo	12.05.2021. g. u 10:30 h
4.	16-12-16-3163-7/21	„ASPO RAIL” d.o.o. Sarajevo	12.05.2021. g. u 11:10 h

R.br.	Naziv ponuđača	Ponuđena cijena u KM (bez PDV-a)
1.	„DBS” d.o.o. Banja Luka	LOT-1=39.000,00
2.	„MIBO Komunikacije” d.o.o. Sarajevo	LOT-1=39.000,00 LOT-2=41.930,00
3.	„PRINTEX” d.o.o. Sarajevo	LOT-1=39.000,00 LOT-2=42.000,00
4.	„ASPO RAIL” d.o.o. Sarajevo	LOT-1=38.950,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: ZJN), sačinila Zapisnik o otvaranju ponuda (u daljem tekstu: Zapisnik), i isti u roku od tri dana, od dana otvaranja, dostavila ponuđačima. Takođe, Komisija ističe činjenicu, da je prilikom sačinjavanja naprijed navedenog Zapisnika, načinila omašku, te iz tehničkih razloga ponudu ponuđača „ASPO RAIL” d.o.o. Sarajevo broj 16-12-16-3163-7/21 od 12.05.2021. godine izostavila iz prethodno sačinjenog i u roku dostavljenog Zapisnika. Nakon uvida i saznanja o načinjenoj omašci, Komisija je o istoj obavjestila sve ponuđače. S tim u vezi, Komisija je sačinila ispravku Zapisnika, uvrstila, omaškom ispuštenu ponudu naprijed imenovanog ponuđača, te isti u roku predviđen ZJN dostavila svim ponuđačima, učesnicima u predmetnom postupku. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Uvidom u sadržaj dostavljenih ponuda Komisija je utvrdila da ponuđači „DBS” d.o.o. Banja Luka (LOT-1), „MIBO Komunikacije” d.o.o. Sarajevo (LOT-1 i LOT-2), „PRINTEX” d.o.o. Sarajevo (LOT-1 i LOT-2) i „ASPO RAIL” d.o.o. Sarajevo (LOT-1), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz Tenderske dokumentacije, te da ne uživaju preferencijalni tretman domaćeg.

Obzirom da je za postupak javne nabavke potrošnog materijala za računarsku opremu i popravku komunikacijske opreme za potrebe Agencije, Tenderskom dokumentacijom predviđeno provođenje e-aukcije i da su za LOT-1 zaprimljene četiri prihvatljive ponude i LOT-2 zaprimljene dvije prihvatljive ponude, Komisija je 18.06.2021. godine sačinila Zapisnik o ocjeni prihvatljivosti ponuda broj 16-12-16-3163/21 za LOT-1 i LOT-2, te zakazala e-aukciju za 23.06.2021. godine, u 11:00 sati u trajanju od 10 minuta za LOT-1 i u 12:00 sati u trajanju od 10 minuta za LOT-2.

Prema Izvještaju o toku i završetku e-aukcije od 23.06.2021. godine, Komisija je sačinila konačnu rang listu ponuđača koji su učestvovali u postupku e-aukcije za LOT-1 i LOT-2, kako slijedi:

LOT-1

Redni broj	Naziv ponuđača	Vrijednost ponude (bez PDV-a)	Rang
1.	„PRINTEX” d.o.o. Sarajevo	25.950,00 KM	1
2.	„DBS” d.o.o. Banja Luka	26.000,00 KM	2
3.	„ASPO RAIL” d.o.o. Sarajevo	29.900,00 KM	3
4.	„MIBO Komunikacije” d.o.o. Sarajevo	39.000,00 KM	4

Redni broj	Naziv ponuđača	Vrijednost ponude (bez PDV-a)	Rang
1.	„MIBO Komunikacije” d.o.o. Sarajevo	41.930,00 KM	1
2.	„PRINTEX” d.o.o. Sarajevo	42.000,00 KM	2

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke potrošnog materijala za računarsku opremu i popravku komunikacijske opreme za potrebe Agencije dodijeli ponuđaču „PRINTEX” d.o.o. Sarajevo za LOT-1 i ponuđaču „MIBO Komunikacije” d.o.o. Sarajevo za LOT-2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (x4);
- Sektoru za mat.-fin. poslove;
- a/a.



ДРЕКТОР
ГЛАВНИ ГЕНЕРАЛНИ ИНСПЕКТОР ПОЛИЦИЈЕ
 Darko Čulum